



SLUŽBENE NOVINE BOSANSKO-PODRINJSKOG KANTONA GORAŽDE GORAŽDE

Godina XVII-Broj 4

11. mart/ožujak 2014.
GORAŽDE

Akontacija za I kvartal 2014.godine
uključujući i pretplatu za "Službene
novine BPK-a Goražde"- 40 KM

141

Na temelju članka 33.a Ustava Bosansko-podrinjskog kantona Goražde („Službene novine Bosansko-podrinjskog kantona Goražde”, broj: 8/98, 10/00 i 5/03), **d o n o s i m:**

U K A Z O PROGLAŠENJU ZAKONA O DOPUNI ZAKONA O SOCIJALNOJ ZAŠTITI, ZAŠTITI CIVILNIH ŽRTAVA RATA I ZAŠTITI OBITELJI SA DJECOM

Proglašava se Zakon o dopuni Zakona o socijalnoj zaštiti, zaštiti civilnih žrtava rata i zaštiti obitelji sa djecom, koji je donijela Skupština Bosansko-podrinjskog kantona Goražde na 30. Redovitoj sjednici, održanoj 26. veljače 2014. godine.

Broj:02-02-72/14
26.02.2014.godine
G o r a ž d e

P R E M I J E R
Emir Frašto, v.r.

142

Na temelju poglavlja IV, odjeljak A, članka 23. tačka b) Ustava Bosansko-podrinjskog kantona Goražde („Službene novine Bosansko-podrinjskog kantona Goražde”, broj: 8/98, 10/00 i 5/03) i članka 8. Zakona o osnovama socijalne zaštite, zaštite civilnih žrtava rata i zaštite obitelji sa djecom (“Službene novine Federacije Bosne i Hercegovine”, broj: 36/99, 54/04, 39/06 i 14/09), Skupština Bosansko-podrinjskog kantona Goražde, na 30. redovitoj sjednici, održanoj 26. veljače 2014. godine, **d o n o s i:**

Z A K O N O DOPUNI ZAKONA O SOCIJALNOJ ZAŠTITI, ZAŠTITI CIVILNIH ŽRTAVA RATA I ZAŠTITI OBITELJI SA DJECOM

Članak 1.

U Zakonu o socijalnoj zaštiti, zaštiti civilnih žrtava rata i zaštiti obitelji

sa djecom (“Službene novine Bosansko - podrinjskog kantona Goražde”, broj: 10/00, 5/03, 5/05, 3/08, 2/13 i 12/13), u članku 94. iza stavka 4. dodaju se novi stavci 5. i 6. koji glase:

„Korisnici prava iz stavka 4. koji su ostvarili pravo do dana stupanja na snagu Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti obitelji sa djecom („Službene novine Bosansko-podrinjskog kantona Goražde”, broj: 12/13), podliježu postupku provjere ispunjavanja uvjeta prema odredbama tog Zakona, koju će po službenoj dužnosti provesti Centar za socijalni rad Bosansko-podrinjskog kantona Goražde.

Početkom svake kalendarske godine, a najkasnije do 31. siječnja, korisnik prava iz stavka 4. dužan je dostaviti dokaze nadležnom organu radi utvrđivanja ispunjavanja uvjeta za nastavak ostvarivanja ovog prava.”

Dosadašnji stavak 5. postaje stavak 7.

Članak 2.

Ovaj Zakon stupa na snagu narednog dana od dana objavljivanja u “Službenim novinama Bosansko-podrinjskog kantona Goražde”.

Broj:01-02-173/14	PREDSJEDATELJ
26.02.2014. godine	SKUPŠTINE
G o r a ž d e	Suad Došlo,v.r.

143

Na temelju članka 9. Ustava Bosansko-podrinjskog kantona Goražde (primjena najviše razine međunarodno pri-

znatih ljudskih prava i sloboda), članka 10. Ustava Bosansko-podrinjskog kantona Goražde (uvođenje efikasnih instrumenata zaštite prava građana), članka 11. Ustava Bosansko-podrinjskog kantona Goražde (pomoć povratnicima i socijalno ugroženim), članka 14. Ustava Bosansko-podrinjskog kantona Goražde (pomoć obiteljima poginulih, ratnih vojnih invalida i boraca domovinskog rata), članka 15. i 16. Ustava Bosansko-podrinjskog kantona Goražde, (određivanje nadležnosti i isključive nadležnosti kantona), članka 18. Ustava Bosansko-podrinjskog kantona Goražde (vršenja nadležnosti), članka 23. Ustava Bosansko-podrinjskog kantona Goražde, članka 28. Ustava Bosansko-podrinjskog kantona Goražde („Službene novine Bosansko-podrinjskog kantona Goražde”, broj: 8/98, 10/00 i 5/03), Skupština Bosansko-podrinjskog kantona Goražde, na 30. redovitoj sjednici, održanoj 26. veljače 2014. godine, **d o n o s i**:

O D L U K U INTERVENTNIM MJERAMA ZAŠTITE GRAĐANSKIH, EKONOMSKIH I SOCIJALNIH PRAVA

Članak 1.

(PREDMET ODLUKE)

Odluku o interventnim mjerama zaštite ekonomskih i socijalnih prava stanovnika Bosansko-podrinjskog kantona Goražde (u daljem tekstu: Odluka) donosi Skupština Bosansko-podrinjskog kantona Goražde (u daljem tekstu: Skupština) radi izvršavanja nadležnosti organa uprave i njenog djelovanja u cilju